



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

24. Æternitas Dei Patris.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

CONSIDERATIO XXIV.

*Aternitas Dei Patris.**Ego hodie genui te Psal. 127.**10. Martii.*

I. **C**onsidera, id, quod legimus in symbolo S. Athanasii: *Aternus Pater, aternus Filius, aternus Spiritus sanctus, & tamen nō tres aterni, sed unus aternus.* Igitur primò Deus Pater est aternus: ait enim in persona Patris loquens Propheta regius: *Ego hodie genui te. I. c.* Hodie, hoc est, in die aternitatis, qui nunquam est crastinus, nunquam hesternus, nunquam præteritus, nunquam futurus; sed semper hodiernus, semper præsens, semper hodie, semper nunc, in quo gignit, in quo omnia peragit, omnia peregit, omnia peraget, tam præterita, quam futura.

II. In hoc igitur aternitatis, *hodie*, Genitor aterne, dum te ipsum, infinitam pulchritudinem, cæterasque perfectiones tuas, evidentissimè & perfectissimè intelligis, per hanc cognitionem, conceptum tui, clarissimum, perfectissimūque

que producis, & hic est Filius tuus æternus & unigenitus. O mirabilis Pater! O stupenda generatio. *Generationem ejus quis enarrabit?* Isaiaë c. 53. 8.

III. Tu es Pater *æternus*, quianunquam fuisti non Pater: neque ex non Patre, factus est Pater; sed sicut ab æterno Deus es; ita ab æterno Pater es: quemadmodum enim Sol eodem momento, quo esse cœpit, luce suâ illuminavit; ita & Majestas tua ab æterno Filium genuit, eumque semper, & in omnem æternitatem generat, atque in ejus generatione, purissimè & infinitè delectatur.

Affectus gratulationis.

O Pater æterne! Pater ingenite, Genitor primoprime! ego de tua essentia æterna, uti & de paternitate & generatione æterna, tibi gratulor: ac de lumina, quam in ea habes, voluptate & complacentia gaudeo. Gratulor tibi & collætor, de tali Filio, in æternitate, potentia, sapientia & bonitate tibi ita simili, ut sit unum tecum. Adopta quæso, me, aliósque innumeros, in filios, Filio tuo

194 *Domus eternitatis. Consideratio*
moribus non absimiles, regni tui æterni
futuros hæredes, ut impleatur in nobis,
quod dixit dilectus discipulus: *Videte,*
qualem charitatem, dedit nobis Pater, ut
filius Dei nominemur & simus. I. Joan.
cap. 3. 1.

II. *Martii.*

I. **P**ater cælestis, non solum est Genitor
æternus Filii, sed etiam *Spirator æ-*
ternus Spiritûs sancti: quem ipse & Fili-
us ab æterno spiravit, etiamnum spirat,
& in æternum spirabit, cum amore æ-
terno, ex amore æterno, ad amorem æ-
ternum.

II. Spirator hic, est quasi æternus, in-
creatus, ingenitus Sol, Filius est quasi æ-
ternus, increatus, sed genitus Solis ra-
dius: Spiritus sanctus, est huius Solis &
Radii, æternus, non creatus, nec geni-
tus, sed spiratus, quasi ardor amoris. Pa-
ter æternus est Pater luminum, fons glo-
riæ, beatitudinis & vitæ: Filius est lu-
men de lumine, candor lucis æternæ, &
splendor paternæ gloriæ. Spiritus san-
ctus, est Patris Filiique clara suavitas, &
suavis

suavis claritas, est Patris Filiique amoro-
sa, & illustris omnium deliciarum satieras.

III. Pater æternus ex quo omnia: Fi-
lius æternus, per quem omnia: Spiritus
sanctus æternus, propter quem omnia.
Pater est æterna, immensa & infinita
omnipotentia: Filius est æterna, immen-
sa, & infinita sapientia: Spiritus sanctus
est æterna immensa & infinita Bonitas ac
dulcedo. Insuper Patri adscribitur æter-
nitas, Filio veritas, Spiritui sancto chari-
tas: Patri creatio, Filio gubernatio, Spi-
ritui sancto conservatio: Patri prædesti-
natio, Filio redemptio, Spiritui sancto
sanctificatio: Patri vocatio, Filio justifi-
catio, Spiritui sancto glorificatio: Patri
purgatio, Filio illuminatio, Spiritui san-
cto perfectio: Patri principium, Filio
medium, Spiritui sancto finis & ter-
minus. O artifex æternus, & conditor
omnium, potestas! Idea & ars omnium
sapientia! O lac & fomentum ac nutrix
omnium suavitas! recrea me, doce me,
pascere & fove me, ut fruatur te & vi-
vam in te, in cœlesti beati-
tudine.

Petitio.

O Spirator æterne ! Sol amoris & gratiæ, fons lucis & gloriæ ! Pater potentiæ infinitæ, illustra me, accende me, & potenter operare in me. Inspira mihi Spiritum sanctum, spiritum fervoris, veritatis, charitatis & perfectionis, ut hoc spiritu aurigante, agar & agam ex spiritu, loquar ex spiritu, orem, zelem, laborem, studeam, scribam, doceam, & prædicem ex spiritu. Hoc enim certum filiationis tuæ signum erit : *Quicumque enim Spiritu Dei, aguntur, ii sunt Filii Dei.* Rom. c. 8. 14.

12. *Martii.*

I. Pater æternus, non tantum est Generator & Spirator; verum etiam Creator: omnium enim extra se existentium Author & Factor est. Licet enim & Filius & Spiritus sanctus, creator sit; Patri tamen, tanquam Patri & primæ in Trinitate personæ, omnipotentia & creatio attribuitur. Ipse igitur, ut ab æterno statuit, ita in principio cœlum & terram
crea-

creavit; non ex aliquo, sed ex nihilo; non magno molimine, sed imperio & verbo, vastam hanc machinam produxit, & in aëre circumfuso, sine fulcris, mirabiliter suspendit.

II. Pater ergo æternus, creavit cœlum, cum Angelis & Archangelis: firmamentum cum Sole, Luna & astris: ignem cum suis phænomenis, & meteoris; aërem cum volucibus; aquam cum piscibus; terram cum hominibus, animalibus & plantis. Et hac de causa eorum Pater nuncupari non dedignatur: ex quo omnis paternitas in cœlo & in terra nominatur. Ephes. c. 3. 44. Et apud Job c. 38. 28. *Quis est pluvie Pater? Vel quis genuit stillas roris? De cujus utero egressa est glacies? Et gelu de cœlo quis genuit?*

III. Tu Pater æterne, omnium es creator omnium conservator; omnium regula & rector, ordo & series: decor & species, vigor & robur, modus & status, medium & finis, initium & clausula, alpha & omega, præmiator & præmium, pax & gaudium, corona & merces omnium. O Pater cœlestis! utinam omnes te

198 *Domus aeternitatis. Consideratio*
agnoscerent Patrem; quos creas! utinam
honorarent ut Patrem; quos gubernas!
utinam sperarent in te, ut Patrem; qui-
bus de victu, amictu & omnibus provi-
des! utinam amarent ut Patrem; quos in
filios adoptasti, & regni caelestis hære-
des scripsisti!

Affectus variarum virtutum.

O Pater & Creator benignissime! ego
propter innumera beneficia ac
dona tua, toto vitæ meæ tempore mihi,
omnibusque mortalibus præstita, ac tota
aeternitate, ut confido, præstanda; toto
me, toto te, toto universo, grates tibi re-
fero, adoro te, glorifico te, amo te, vene-
ror te, timeo te, spero in te, credo in te,
desidero te, toto te toto me, toto uni-
verso te amplector, tibi supplico, tibi
me offero, dedico, consecro, in famu-
lum, in subditum, in mancipium, in fi-
lium sempiternum. O si audire merere-
mur ex te: Ego ero vobis in Patrem, &
vos eritis mihi in filios. 2. Co-
rinth. c. 6. 18.

CON-